



明音類選卷之九

五言律詩

早朝二首



廣西(正統) 蕭華(正統) 編新(正統)

不

藏

落日傍西山○初開虎豹關○銅壺龍滴水○朱戶獸啣環○
玉佩趨馳道○香烟拂近班○去天纔咫尺○不敢望龍顏○
曙色催僊仗○祥光繞近闈○門開雙象時○鐘動萬鴉飛○
江漢宗滄海○星辰拱紫微○踈愚亦何幸○每日近清輝○

寄題金山寺

岷江萬里下○梵刹半空開○吳樹風吹斷○淮山水蕩迴○
潮聲雜鐘磬○波影動樓臺○千載張公子○題詩會再來○

除夕

節序三冬盡。鄉關萬里遙。一年餘此日。百歲幾今宵。天暝雲垂地。春回斗轉杓。孤燈伴岑寂。坐待五更朝。

重遊金粟寺有作

張寧

溪深通小艇。山峻露層臺。林葉經霜盡。河水近午開。閒雲僧出定。舊雨客重來。擾擾浮生路。經過知幾迴。

題姚公綬山水小幅

幽意寫不盡。萬山深更深。白雲無出處。綠樹漫成林。啼鳥醒人夢。流泉淨客心。何當隨釣艇。看奕草堂陰。

壽范同倫處士

陳政

先生清隱處。孺子昔曾遊。山近雲生戶。江長月映樓。飛觴迎淑景。展席俯清流。軒見曾無夢。何須范蠡舟。

次韻答文宗儒

沈周

相思一千里。南望是東嘉。錦鯉傳春信。青燈落夜花。鹿城瞻斗近。鴈蕩入雲斜。遠邑方懷惠。憑君莫念家。

哭張行人暉吉

李東陽

十載同年淚。因君更滿襟。辭家萬里遠。憂國二毛侵。病減郎官俸。貧揮使者金。平生冰雪操。絃絕為知音。

送陳同年直夫還南京御史

北闕新恩命。南臺舊法星。九違燕草碧。三見蔣山青。

卧病聞安石○還家憶管寧○平生激揚志○未合老沉冥○

舟中雨夜聞鴈

王徽

群鴈來何晚○寒聲度遠空○淒涼因帶雨○悲咽為蕪風○
獨客雙垂淚○孤舟半捲篷○如何愁不寐○聞爾寂寥中○

石門

陳獻章

白髮非公事○扁舟進此門○山雲寒不雨○江路曲通村○
玩世吾何有○長途馬不存○晚來堪一醉○山月照空樽○

圭峯閣

勝處不在遠○秒秋何處尋○步崖碧澗落○眠石青松陰○
地小滄溟入○山高鴈鷺沉○此時閑佇望○誰識倚闌心○

春日江村

時○候○花○先○覺○陰○晴○鳥○自○知○登○山○嫌○避○客○得○句○樂○呼○兒○
蔓○草○披○香○逕○垂○楊○覆○淺○漪○美○人○期○未○至○江○月○幾○盈○虧○

雨坐

風雨坐前楹○關關雙鳥鳴○正當落花處○更作送春聲○
大化歸無極○斯人樂久生○不知川上水○東逝幾時停○

寄太虛上人

太虛石洞居○孤絕少人依○遠客携琴至○逢師乞食歸○
一蒲青草上○四面白雲飛○盡日無言說○巖花落滿衣○

曉泊西郭

謝鐸

西郭舟初泊。東方日未明。荒村無犬吠。古寺有鐘聲。
潮落夜歸海。江空秋滿城。故鄉南望處。漸見白雲橫。
晚過靜海宿流河驛

落日風初靜。交河水正流。居人不知姓。行客且停舟。
青海鳥飛處。白雲天盡頭。相逢問前路。明日是滄州。
奉和十五叔父下第金陵留別詩韻

竹林秋入夢。風雨夜相親。自愧別離久。空爲江海人。
官卑猶竊祿。名在豈逃身。欲問溪頭水。相期一采蘋。

南村別墅爲饒松坡題

羅倫

吾愛南村好。頻過處士家。白雲留客住。濁酒過牆賒。

陰壑藏春雪。清溪洗暮霞。自今來往慣。薇蕨早生芽。

挽揭竹庵

竹庵亡此老。伏臘走比隣。碧草他生夢。黃花化後身。
石田孤鶴瘦。烟水五湖貧。却憶經行處。西風淚滿巾。

遊牛首山和沈仲律韻

章懋

乘興遊天闕。清尊共解顏。洞泉依刹靜。杉檜伴僧閑。
石窟探應徧。花巖倦亦攀。白雲飛不定。回望滿禪關。

上巳日

張弼

上巳今朝是。蘭亭不可尋。一爲京洛客。幾負故園心。
綠水鷗盟遠。黃塵馬首深。題詩難盡興。展畫看山林。

友琴堂

黃瑜

瑤琴真益友○伴我絕將迎○清冷梅依月○悠揚絮過城○
簷花衝雨落○谷鳥挾風鳴○勾引陽春到○滿庭莎草生○

送張九衢都帥北上時鎮惠潮

環佩趨天北○帆檣向斗東○離情滿江漢○秋色入梧桐○
飛輓三河道○傳宣五柞宮○巖廊用儒將○應見虜塵空○

暮春喜晴次李司鑑韻

麗日熏輕葛○殘春似早秋○庭莎經雨發○渠水遶花流○
撫劍成高詠○銜杯散遠愁○陰晴嗟未定○竹外正聞鳩○

餞別伍太守希淵即席賦

朱旛辭郡閣○白馬擁江津○化日三城曉○濃花十月春○
野歌聞德澤○朋酒見經綸○回首棠陰下○應無翦伐人○

客寓蘇氏小樓

日○夕○危○樓○上○凭○闌○望○故○鄉○淮○流○山○外○碧○燕○樹○日○邊○黃○
旅○夢○魚○千○里○歸○心○雁○一○行○坡○僊○風○韻○在○時○與○話○
高皇

山房夜雨答方俊卿

黃憲非吾擬○方干讓爾才○吏從長樂遜○僊自寶安來○
細雨連床聽○濃花映戶開○十年思會面○春酒莫停杯○

海珠寺

古寺臨珠石。高僧住鏡天。波環中印度。岸達上乘禪。鯨吼通鮫室。漁歌襍象筵。市塵飛不到。沽酒白鷗邊。

登臨江清風樓

祁順

晚涼多事暇。乘興一登樓。雲氣千山雨。松聲萬壑秋。堤平芳草合。天遠大江浮。日暮行人少。空橫野渡舟。

與陳少府酌別

周瑛

下馬何村廟。霜清木落時。行人千里去。故國一年期。水色照衣袖。山光落酒卮。離懷難盡遣。惆悵向臨歧。

中衛渡河

楊一清

兩渡河西去。今朝還復東。野烟隨蔓草。沙水沒飛蓬。

豺虎驚心後。魚龍變態中。故鄉何處問。愁見北歸鴻。

奉慈庵

吳寬

野寺堪消暑。登登遠叩關。樹深長礙馬。路轉又逢山。石鉢分中飯。雲房借半間。玉茶花落盡。清坐不知還。

金華道中憶君謙

文林

遠別輕千里。經行歷萬山。思君終夕坐。出守幾時還。隄柳吹花盡。溪雲過雨閒。南峯著書處。夢裏更躋攀。

孝宗皇帝輓章

王鏊

宮車仍蹕路。陵寢却因山。天意悲風慘。皇圖化日閒。聖神三代上。禮樂百年間。北望飛龍遠。弓髯慟莫攀。

送孫廷憲訓導之夏邑

好在孫明復○阜比夏邑臨○春歸孟潞野○雲散礪山陰○
梁宋詩書古○江淮控帶今○睢陽雙廟在○為我一追尋○

河橋舟發歸途作

伐鼓侵星發○吳門此日還○斷澌溪漲闊○融雪隴痕斑○
劔井來寒樹○銅棺失舊山○衰年仍事役○翻羨白鷗閒○

宿毘陵

孤舟城下宿○城漏滴寒更○往事無人問○幽懷忽自驚○
春星垂野動○村火隔江明○北鴈無來信○蓬窗夢不成○

東林寺

林俊

初日上蒼涼○峯巒接大荒○懶雲依鳥徑○馴虎卧僧廊○
水碧聰明井○燈青慧遠堂○禪心秋共寂○徙倚近香床○

會任思順太守

短髮愁看暮○丹砂未可憑○三山中夜夢○雙塔十年燈○
魚鴈書還阻○烟霞話豈曾○草堂花在眼○何日共支藤○

高黎山

崑崙拔絕頂○霧雨日廉纖○天近山低棧○厓虛石過簷○
掬泉聊慰渴○藉草未傷廉○苦事微官縛○霜毛覺漸添○

題畫

老屋長松外○亭亭江上峯○滄波明遠艇○落日在高春○

林莽生來僻。纓簪老去慵。籬門數花落。春去有遺蹤。

別鄉人

驛路迷燕浦。官梅動越吟。相看今日意。同是故鄉心。鶴徑寒沙口。漁船綠柳陰。滄洲有奇事。未老欲抽簪。

題清上人山房

亂松深古寺。衰謝白雲期。生滅慧燈盡。晴陰定磬知。簷虛江色遠。日薄鳥聲遲。杖錫西來意。曹溪亦幾支。

德化高良寺

肩輿歷風雪。偶爾愜清遊。萬竹深藏寺。三山近映樓。禪心溪月曉。宦業野雲秋。坐覺前征晚。貪閒為一留。

江南旅懷

揚時秀

客夢家千里。鄉心柳萬條。片雲遮海嶠。一雨送江潮。戀闕綈袍在。懷人尺素遙。春光看又晚。何處灞陵橋。

登雄縣城樓二首

諸確

高秋愜登眺。平楚動悲歌。樓櫓何年廢。前朝爭戰多。雲閑清海戍。塵淨白溝河。翻笑咸平際。金繒滿塞駝。

彭城有懷

清夜棹歌發。高秋客思生。綿綿鄉國夢。歷歷水雲程。老樹危蟠石。衝波怒噬城。白門樓上月。偏傍海東明。

九月一日同諸友行山中

邵寶

晚秋逢霽景。山寺恣幽尋。霜樹丹猶淺。寒潭碧正深。
竹鑪鴻漸茗。松榻頴師琴。亭上還高眺。悠然萬古心。

見新月

獨恨中秋月。年年照病身。星邊槎有客。江上笛何人。
兔影還雙杵。蟾光欲半輪。萬峯天柱上。愁坐正馳神。

從軍行

石珪

邊書昨日至。雜虜寇涼州。劔拔明霜夜。弓開滿月秋。
黃金裝戰甲。健羽插兜鍪。跨馬鳴鞭去。心輕定遠侯。

道院

山中逢道士。尊酒坐逍遙。草色連天綠。雲香入幔飄。

古潭龍夜語。紫府鶴晨朝。應有飛僊侶。倚樓吹玉簫。

送葉守

紫衣高蓋客。誰復歎升沉。萬里圖南翼。平生拱北心。
麥岐看入頌。牛角遇知音。他日巖廊上。憑君作傅霖。

雙鴈傷翮育于庭中有感

自是排雲侶。秋深被網羅。耦行猶作字。長恨不成歌。
北望燕山月。南思楚水波。忽驚樓外影。愁絕定如何。

寄北覺隆上人

水北多僧寺。生公院最幽。地高平受月。林密靜宜秋。
梵語中天應。鐘聲下界浮。文園多病客。回首欲淹留。

風中花

春花有殊色。何事逐風流。欲墮還依水。頻飛不過樓。託枝憐命薄。傾國使人愁。願落簾櫳裏。遺香尚及秋。

新雪

雪意已崇朝。凌風葉旋飄。着衣初點點。入竹故蕭蕭。翠壁誰凝望。青帘久費招。期君坐今夕。燒燭看瓊瑤。

詠御溝紅葉

宮樹悴清霜。泉聲落建章。更無紅葉字。猶是碧波光。氣肅秋將老。人寒影太長。東流和宿恨。黯慘度年芳。

月

為月一登樓。長風更試秋。水搖城闕迥。河帶斗星流。古木蕭蕭下。閒雲澹澹浮。祇應今夜景。能破杜陵愁。

早春

春色來何處。蓬窻試一開。積寒猶困柳。晴雪漸舒苔。未舉書雲筆。新停送臘杯。江山多舊約。斜日重徘徊。

武廟輓歌二首

毛紀

玉輦今何處。宸遊事已空。淚多湘水竹。悲切鼎湖弓。汗簡千年後。鈞天一夢中。空餘舊戎帳。金甲凜霜風。北伐威方震。南征駕始迴。永違天日表。獨使肺肝摧。帳殿三秋迥。鈴歌萬國哀。羊車空永巷。寂寂望重來。

秋思

倚杖獨行吟。蕭條楚客心。寒潮侵曉岸。商籟響秋林。俠氣老猶壯。窮愁閒轉深。彷徨疑望久。西北起輕陰。

暮景

斜陽含霽景。江上去人稀。垂老猶為客。隆冬未授衣。僧鐘和月起。漁火隔烟微。故國雲霄外。多從夢裏歸。

郊觀齋居東邊喬二太常

李夢陽

人日過僊院。春霞縹緲分。碧回瑤澤草。紅綻葢宮雲。獨處依松樹。清齋對鶴羣。桃源知並入。惆悵不逢君。

朱遷鎮廟

水店回岡抱。春湍滾白沙。戰場猶傍柳。遺廟只棲鴉。萬古關河淚。孤村日暮笳。向來戎馬志。辛苦為中華。

出塞

磧日澹無輝。胡沙驚自飛。望烟尋戍壘。聞鴈忽沾衣。大將搜河套。遊兵出武威。賀蘭山下戰。昨日幾人歸。

酬京師友人見寄

浮雲悲故國。積水起鳴雷。不見長安日。愁登鼓吹臺。故人三月別。天上一書來。欲問經行處。山中杜若開。

憶何子

憶爾辭京日。余歌萬里行。經秋無過鴈。索處若為情。

去已窮滇海。歸應滯岳城。鳳皇池上草。春到爲誰生。

晚過序上人

塔日微微墮。禪居隱隱涼。軒開惟有竹。坐定始聞香。萬古風塵地。三生水月鄉。頻來尋白社。不是爲空王。甥嘉北來出其謁逢干廟之作予爲和之嘉時

謫茂州判

汝謁雙忠廟。徘徊幾度吟。暴雲連海白。積水帶城陰。自投看碑淚。誰知駐馬心。未須悲遠竄。不死是恩深。

聞吳郡黃山人將遊五岳寄贈

昨報三吳客。將尋五岳遊。薜蘿應製服。春水正宜舟。

二室雲中峻。三花烟外浮。住居吾幸適。先肯到嵩丘。

辛未元日

萬事渾如昨。蹉跎四十臨。取途傷老馬。聞道愧前禽。日變風雲氣。春生海岳陰。趁時聊物賞。此外更何心。

南康元夕

四海逢今夕。孤城有獨身。干戈猶野哭。梅柳自江春。月向平湖滿。鐙於靜夜親。罷喧風乍起。嗟爾楚南人。

哭張子

翰海龍真泣。遼陽鶴竟歸。壯心元鐵石。神爽尚旌旂。光繞新埋劍。香殘舊賜衣。至今生仲達。猶怯孔明威。

古意

內廐飛龍馬。君王賜玉鞭。長鳴彩仗下。立在紫駟先。
放逐緣何事。飄零竟不旋。如蒙敝帷顧。萬里爲君前。
賞遊

王者化無外。玉門開至今。笳閑青海外。馬放白登深。
漢將收金鼓。胡姬弄玉琴。宮中花月夜。那稱賞遊心。
客散

尊傾客自散。而我卧空林。五月涼風至。孤村細雨陰。
竹蘿垂野逕。花草澹幽襟。夢醒聞遙唱。依稀楚鳳吟。
觀雪省中

省葉辭寒盡。庭花向暮飄。黃雲變玄朔。萬里入層霄。
灑地紛紛密。凌雲脉脉遙。北風聊可詠。携手不堪謠。

聞砧

逸響緣雲起。清砧入暮繁。秋風吹落月。萬戶更千門。
寧知寄遠意。不盡搗衣魂。早晚逢西使。流沙隔塞垣。

除架

炎時忻密葉。寒至怨多陰。自是衰榮理。非關愛惡心。
伐條近陽月。開牖散秋禽。但能存碩果。無用嘆蕭森。
定居

故業泰山北。新居梁苑西。平生一丘壑。何處竟安棲。

玄豹終隨霧。神龍或困泥。向來登眺夢。常繞杜陵溪。
下吏

弘治辛酉年坐榆河驛倉糧。乙丑年坐劾壽寧侯正德戊辰年坐劾劉瑾等封事。

十年三下吏。此度更沾衣。梁獄書難上。秦庭哭未歸。圍墻花自發。鎖館燕還飛。况屬炎蒸地。憂來不可揮。

獄夜雷電暴雨

一雨暮何急。孤眠宵未央。疾雷翻暗壁。落電轉空梁。勢極千山動。光還萬里長。天威終不測。魑魅可潛藏。
安仁聞夜哭

縹緲因風訴。哀哀何處音。聲隨落月斷。聽入過雲深。轉戰增新鬼。誅求損衆心。懸軍今更急。塞滿碧山岑。

大道觀會飲

敞閣元無暑。清林更著烟。人觴金像側。馬繫石門前。碧草侵衣冷。壇花落酒鮮。丹青半磨滅。何處問諸天。

詠部鶴

寄跡含香舍。淹情嘉樹林。長鳴如有訴。狎俗到于今。不染風塵色。常存霄漢心。會應王子晉。接爾向嵩岑。

白鴈

八月白鴈至。中宵聞爾哀。亦知先伴起。無為報霜來。

月靜飛難見。雲深去不回。故園消息斷。愁病轉相催。
小鷓

簷際翻翻鳥。將雛惜惜行。攪眠真懊惱。傳喜不分明。
化印何年就。填河幾日平。徒然盛生息。羣噪每能晴。

熊子河西使回

偶遇西河使。真傳塞上情。一春常凍雪。千里半荒城。
未斷匈奴臂。猶勤哈密征。重聞帳下變。無語對沾纓。

中秋南康

同是中秋月。匡廬只自看。故臨石鏡上。偏傍落星灘。
北望關山隔。南飛鳥鵲寒。鳳歌喧太液。光憶滿長安。

平溪

何景明

徒倚平溪館。天高秋氣清。水螢光不定。山籟響難平。
夜火雲間戍。寒烽江上城。終宵無夢寐。高枕聽灘聲。

江門

小店江門市。孤舟聞暮砧。遠沙含細雨。缺岸隱疎林。
旅宿青楓晚。人烟翠岳深。漸臨巴蜀道。一慰望鄉心。

立秋寄獻吉

山城一葉下。水樹已迎秋。夜迥霜風至。天空大火流。
稍蘇司馬病。翻遣宋生愁。日暮關河外。思君重倚樓。

清溪草堂

隱者常稀聞幽居獨羨君汀洲起漁唱籬落傍鷗羣
水接吳門樹窓生禹洞雲更傳詩句好還似沈休文

夜

地遠柴門靜天高夜氣淒寒星臨水動夕月向沙低
入室喧虫語張燈住鳥啼自然幽意愜不是戀深棲

月

片月中秋近輝光一歲無天清驚塞鴈夜冷落楓烏
不寐知宵永無言對影孤更深何處沒萬里墮江湖

除架

苦葉蕭疎久秋匏亦委沙家人空抱蔓山鳥莫啼花

零落親寒事蹉跎感物華衰榮轉相代何必恨生涯

洪法寺別錦夫遂伯

古寺垂楊裏樓臺照落暉重來舊遊地却與故人違

雲樹千山暗風花三月飛未將湖海淚空灑路傍衣

十四夜

水際浮雲起孤城日暮陰萬山秋葉下獨坐一燈深
白露蕪葭落西風蟋蟀吟關山今夜月橫笛有哀音

登堅山寺

西峯插天起絕頂寺門開雲裏一僧住山中無客來
落花平講席積草徧香臺我欲聞清梵焚香坐不回

雨後次孟望之

斷雨○歲深○浦殘○雲霽○晚空○人家○亂水○外野○艇夕○陽中○
風急○鳴江○鶴天○高落○塞鴻○滄浪○浩歌○起身○世羨○漁翁○

為王子悼亡

玉○鬼○無○消○息○星○辰○隔○紫○泉○舞○鸞○沉○寶○鏡○飛○鳳○落○金○鈿○
不○待○中○郎○貴○空○傳○上○婦○賢○平○生○浣○沙○處○流○水○恨○潺○湲○

送孫世其舉人歸華容

爾○去○荆○州○府○孤○帆○幾○日○開○山○過○宋○玉○宅○江○到○楚○王○臺○
落○鴈○衝○人○起○浮○雲○度○水○來○悲○懷○兼○別○緒○歲○暮○若○為○裁○

登釣臺三首

歲○暮○荒○臺○上○孤○高○望○不○窮○亂○山○浮○落○日○遠○水○抱○寒○空○
野○鷺○時○親○客○江○鴻○晚○避○風○終○期○謝○城○市○來○此○伴○漁○翁○
出○郭○初○冬○煖○登○臺○日○已○曛○碧○潭○寒○吐○月○孤○嶂○晚○生○雲○
名○姓○嫌○人○識○悲○歌○欲○自○聞○沙○鷗○莫○飛○去○應○共○爾○為○羣○
古○人○棲○隱○地○今○日○我○重○來○寂○寞○千○山○裏○烟○波○萬○古○臺○
巖○寒○蒼○桂○落○沙○晚○白○鷗○迴○慷○慨○無○人○測○長○歌○不○放○杯○

登紫極閣

層○閣○重○重○麗○丹○梯○裊○裊○孤○風○雲○上○紫○極○氣○色○覽○皇○都○
苑○靜○芙○蓉○落○城○喧○鴈○鷺○呼○蒼○然○見○淮○楚○鄉○思○滿○平○蕪○

鑑公房石燈

石盃何年鑿。瑤燈此夕然。雲流自五岳。月色近諸天。定裏金輪轉。光中玉鏡懸。西來不滅影。常照法筵前。

大祀

金榜星辰幕。瑤函海岳編。受禧同漢室。登禪異秦年。日抱龍旂轉。天流羽蓋旋。楊雄老陪從。白首賦甘泉。

駕幸南海子

鏡音發桂時。春狩踐蘭區。水盡緹城合。山迴帳殿孤。公卿隨八駿。虎旅備三驅。如聞後車載。倘遇渭川夫。

駕入

地轉瑤壇迥。天迴翠輦高。入城傳鼓吹。開殿引旌旄。

佩委春墀草。盤行上苑桃。九天燈燭裏。齊拜袞龍袍。

答仲脩侍御送弓

繡服意相親。彫弓把贈新。獨憐投筆志。未老據鞍身。晝控鳴風鏑。宵彎抱月輪。倚天時一望。西北有胡塵。

贈時亮

象郡開梅嶺。羅池傍柳州。山川蟠秀色。文物迥風流。丹就還珠洞。書藏駕鶴樓。風塵望爾去。霄漢獨相求。

元夜寺中集

火樹連龍苑。烟花繞鷲峯。詞人高宴會。令節喜過逢。閣度銀河上。窻含寶月重。九衢風起夜。處處有歌鍾。

中秋夜集呂給事宅

銀漢高秋露嚴城月色陰美人今夜酒遊子故鄉心
烏鵲江邊去蛟龍海上吟漢宮樓殿迥莫使暮寒侵

送楊太常歸省

聞道西南寇猶多虎豹羣過秦應有論喻蜀可無文
未返巴山使空懸棧道軍煩將父老意歸報聖明君

玉泉

行遊金口寺坐愛玉泉名雲去隨龍女風來動石鯨
入宮朝太液穿苑象昆明却望天河水迢迢萬古情

過顯靈宮

不到玄宮久桃源更此行行知瑤水近坐望赤霄平
洞草秋先長壇雲晝自生雙雙玉簫發風引度僊城

送段子還蒲州寺中作

段子兩龍劍西行歌莫催探花天上去觀日海邊迴
一別雲房樹相思雪夜杯禹門讀書處終夕聽風雷

寄三子詩

三子者王康呂三子也三子俱產之關中並
見而同隱西望高驂慷慨悲懷為詩寄之

鄠杜終南曲邠岐渭北陲水多龍卧處山有鳳來時
星宿中宵動風雲萬里移滄江問靈劍離合少人知

鏡光閣

峻閣岩堯上。層城眺望中。風鈴齊送響。雲磴曲盤空。
海日搖窓碧。蓬萊影日紅。翠華無復到。長鎖翠微宮。

十四夜李川甫宅

獨院淹杯酌。高秋驚旅魂。風蟬急白露。沙葉靜黃昏。
月上看天柱。潮來望海門。平生壯遊志。非爾向誰論。

說經臺

西海何年去。高山萬古存。風雲留福地。星斗上天門。
有欲誰觀妙。無為自覺尊。青牛不復返。空誦五千言。

登五丈原謁武侯廟

風日高原暮。松杉古廟陰。三分扶漢業。萬里出師心。
星落營空在。雲橫陣已沉。千秋一瞻眺。梁甫為誰吟。

昭烈祠

漂泊依劉計。間關入蜀身。中原無社稷。亂世有君臣。
峽路元通楚。岷江不向秦。空山一祠宇。寂寞翠華春。

過華清宮

冬駐華清殿。千秋憶翠華。青山無帝宅。荒草半人家。
雪下湯泉樹。春回繡嶺花。長安望不極。誰見五陵霞。

九日同陳侍御鳳谷登宴

栢臺驄馬使。蘭谷鳳仙家。暫駐三秦節。來看九日花。

風霜高錦樹雲日麗晴沙去去層霄上回瞻北斗斜

九日

邊貢

白日寒城暮○清秋畫角哀○地偏妨采菊○鄉遠怕登臺○
鴻鴈天邊去○風雲塞上來○故交零落盡○卮酒何誰開○

正月七日飲敖水部分司歸即事

結榜依江岸○傳觴感歲華○偶同人日酒○翻滯使星槎○
水凍仍餘雪○林寒且未花○醉歸燒短燭○高枕聽昏鴉○

秦陵供事述感

陵墓三年道○重來七月期○山河不改色○霜露只增悲○
世想欽明德○人傳顧命辭○九齡如帝與○端可致雍熙○

郊壇夜步

晚步凌高榭○春空月正明○星辰臨漢時○樓觀俯秦京○
靜夜松森響○豐年穀日晴○同心隔城市○相望轉盈盈○

泛湖

此日秋風起○移舟向浦烟○客心隨地遠○人語隔花傳○
古寺疎林外○孤亭落照前○十年塵土裏○回首一茫然○

懷昌穀大理

孺子南州彦○詞華早擅場○共憐廷尉府○祗恐簿書忙○
寶鏡愁鸚鵡○鹽車困駟驢○何時一艇去○與爾泛滄浪○

送都玄敬

驅馬別君處。秋陰當暮生。林柯無靜葉。江鴈有歸聲。
綠水閩門道。青山建業城。未能同理楫。延佇獨含情。

送李愈憲維之北上

桓典乘驄日。相如卧病春。傷心一杯酒。回首十年人。
雪暗關山色。風飄驛路塵。郭西慵出餞。愁見柳條新。

送王演之

驅馬度宛洛。歸路及春深。杳杳還家夢。悠悠上國心。
青山臨古渡。白日下豐林。憔悴逢漁父。應爲澤畔吟。

次空同子韻送伯川歸吳

東門嘶馬去。幽志幾人同。問寢歸吳苑。含香別漢宮。

關山雙寶鈇。江海一秋蓬。欲覓南州信。時看西北風。

送張廣漢中丞觀軍留都

二月金陵道。中丞擁節還。日光搖組甲。春色映江關。
國壯軍容整。時平武畧閒。坐看龍虎氣。長繞鳳皇山。

王憲司輓章

桓典聲名久。相如詞賦稀。世方驄馬避。身已茂陵歸。
白露凋原艸。流塵集總幃。傷心亭下鶴。時向月中飛。

彭蠡

徐禎卿

茫茫彭蠡口。隱隱鄱陽岑。地涌三辰動。江連九派深。
揚舲武昌客。興發豫章吟。不見垂綸手。烟波空我心。

在武昌作

洞庭木葉下。瀟湘秋欲生。高齋今夜雨。獨卧武昌城。重以桑梓念。淒其江漢情。不知天外鴈。何事樂南征。

長陵西望秦陵

昔送宮車出。長悲西雍門。今來寒食節。獨望灞陵園。杳杳僊城閉。萋萋封樹繁。當時侍從客。慟哭幾人存。

送范靜之還威州

吾憐范巨卿。困悞不邀名。作吏竹林下。清風訟獄平。與君同得罪。獨竄夜郎城。萬里巴江水。相思猿狖鳴。

送友人還吳

陽月隨陽鴈。遙從塞上來。北人江北望。不見隴頭梅。坐下楊朱淚。吟爲莊鳥哀。聊傳數行札。千里送君回。

駕出南郊退簡邊喬二太常

齋殿鸞輿下。郊宮鳳野開。霜戈迎日動。芝蓋拂雲來。輦道前旌直。鈎陳翼騎迴。甘泉枚朔侍。詞賦接僊才。

月

故園今夜月。迢遞向人明。只自懸清漢。那知隔鳳城。氣兼風露發。光逼曙烏驚。何事江山外。能催白髮生。

秋日懷李郎中及邊熊二君子

秋興因高賦。雄才憶省郎。山川思不極。雲樹莽蒼蒼。

對酒知時變。看花感別長。如何霜後鴈。猶未渡瀟湘。

中秋夜不見月。兼邀諸太僕不至。今夜中秋月。雲端空復情。人間同寂寞。天外獨分明。桂子飄何處。邊鴻度有聲。他鄉對家醞。愁絕為誰傾。

孤鴈

顧清

孤鴈別臯蘭。長飛度塞垣。高風一萬里。次落嶠南村。漢將秋防急。吳姬夕倚門。相看兩如夢。哀怨共誰論。

鴈門途中

王九思

驅車出鴈門。風景異中原。雲壓嶺頭樹。草連烟際村。牧童歌敕勒。行客屬褰鞞。世道今堯舜。龍沙是外藩。

幽居雜興

孫一元

睡起不自好。出門望遠山。碧雲回夕色。老木澹秋顏。道路從違裏。菰蒲坐嘯間。吾師白鷗鳥。長日與同還。

西湖

十里山如拭。西湖背郭流。僧歸虹外雨。雲抱水邊樓。春事多逢醉。歌聲半是愁。獨憐垂釣者。吾欲共滄洲。

真空寺

康海

拂霧尋山寺。籃輿上轉輕。曉雲生石細。旭日映巖明。梵磬遙空出。天花夾路迎。何須學摩詰。今已得無生。

秋日獨酌

王廷相

梧桐一葉下。天地九秋回。水抱魚龍蟄。風搖鴈鷺哀。
樊生新學圃。陶令數啣杯。醉裏忘棲泊。乘閒獨上臺。

宿淮上寄何仲默

旅泊清淮夜。扁舟快獨行。風鐘半淪滅。水月共微明。
放逐甘吾道。棲遑念友生。高歌視雄劍。不覺壯心驚。

晚泛雙溪

返照懸層嶂。蘭舟夾岸開。濃花齊露晞。曲水泛行杯。
抱影雙鳧下。迎人孤鶴迴。官閒饒樂事。何必問蓬萊。

懷金山

鄭善夫

我愛金山寺。洪波萬頃開。乾坤留柱石。滄海失蓬萊。

曝日鼉鼉出。搏風鶴鶴迴。中冷洗心處。極目意悠哉。

秋月二首

初昏見秋月。耿耿即西傾。河漢留光景。關山入杳冥。
衆星森北向。一鳥浩南征。莫遣微雲起。渠能穢太清。
秋月長安社。光清太液池。蟾蜍終不滅。烏鵲竟何之。
鐵騎喧今夜。金波及四夷。關山正阻絕。却向笛中吹。

中秋高傳二同志城東步月有懷京華舊遊

朗月團秋社。涼風薄暮寒。故鄉誰獨健。永夜此同看。
隣笛傷今昔。山杯盡肺肝。長安舊朋侶。搔首五雲端。
兩後陪周用。賓杖策尋天日。祖花

風雨於潛道。藤蘿古殿陰。祖花傳近代。瑤艸寄遐心。
應世吾能賦。探元爾獨深。形骸百鍊晚。風雨二毛侵。

謂太初墳

草堂琴瑟罷。羽化竟何如。那復烏藤杖。空傳白鹿車。
巖丘亦鍾鼎。天地即蘧廬。白首林君復。終無封禪書。

寄赤城諸友

自別赤城去。藏身金馬門。尊鱸心獨苦。丘壑道何尊。
萬事風波過。三年夢寐存。終焉共携手。采秀入桃源。

白將軍

將軍出武威。仗劍鎮東垂。氣壓風雲陣。秋生熊虎姿。

長揮白羽扇。豈羨銳頭兒。數載傷多壘。雲臺及盛時。

出塞曲二首

黃金鑄鵠印。白馬出榆林。瀚海行人絕。陰山殺氣深。

漢恩長北損。胡騎日南侵。一倡丁都護。三軍淚滿襟。

天王開絕域。上將喜邊功。塞外風烟異。軍中苦樂同。
龍旂凋朔氣。虎帳卧胡風。未繫單于頸。橫戈意氣雄。

阻雨次陳助教韻

林庭昂

烟雨迷行色。江村繫小舟。鄉心愁入夜。客鬢易驚秋。
聲斷風前鴈。機忘水上鷗。親庭在何處。遙望白雲流。

寄懷黃提學才伯按節梧州 徐問

叔度風流在○離江復見君○頻年少知已○長日念離羣○
碧月潭前水○蒼梧嶺上雲○何時還促駕○深酌細論文○

同顧刺史遊柳山

孟洋

昔慕柳侯迹○今逢顧守游○山形盤野壑○樹色動江流○
城郭登臺暮○風烟倚閣秋○不須松下酌○深坐已忘憂○

憇冷泉寺

漫入冷泉寺○居然外慮空○雲來千樹黑○日歛半山紅○
法鼓傳虛殿○禪音出上宮○興來孤騎發○汾水正秋風○

河

度盡山蹊險○方舟臨大河○晴光浮古渡○夕景下深波○

棹向風中入○身如天上過○東流長不改○世代自消磨○

不寐

枕上秋聲急○天涯客思繁○窓星亂螢火○簷月引花痕○
盡夜惟砧杵○何時有夢龜○故鄉安可到○萬事未須論○

黃刺史同登岳陽樓

此地昔曾過○危樓今始攀○日啣天際樹○雲動水中山○
津驛趨三楚○江關控八蠻○亂帆何處去○風浪未知還○

雨中舟行懷可泉

蕭世賢

湖海斯人在○遲回歲月移○青山吳下夢○細雨越中詩○
杉渚相逢處○蘭橈獨去時○春來思載酒○雪上欲相隨○

登越王臺

百粵風塵迥。登臨野色分。牛羊散平陸。狐兔穴荒墳。舊壘寒鴉集。殘碑劫火焚。青山故無恙。極目杳秋雲。

陳錫

九日夜直宿西臺

黃鞏

九日西臺夜。清尊空復情。疎鐘來遠寺。微雨下深更。人與黃花瘦。秋看落葉輕。十年湖海夢。燈火若為明。

同年徐侍讀子容邀遊虎丘寺

野寺懸崖出。山門傍水開。於菟空故塚。麋鹿自高臺。往事千年在。餘生萬里回。多情徐學士。落日共啣杯。

送黃文元沅江典史

平楚八千里。驅馳又歲年。雲移巫峽樹。月汎洞庭船。唵橐收沅芷。官曹帶幕蓮。下車煩借問。莫有武陵僊。

次韻林汝儀順晦亭

爾來真獨往。相與信年華。又是西湖地。依然處士家。梅邊亭放鶴。水曲岸飛花。踏遍蕭蕭徑。輕風送落霞。

益門雨中

劉節

遠客登雲棧。長途度益門。山深寒霧積。雨驟石溪渾。板屋窺饑鳥。松林慘斷猿。東河無酒市。駐馬獨銷魂。

黃陵廟次曹南津

魏祠當急峽。古驛控寒流。鳥度千峯雪。波搖萬里舟。

官程問湘楚。吾道寄滄洲。回首三巴路。風烟感舊遊。

秋鴈

崔澂

迢遞辭邊塞。聯翩入楚鄉。江深空見影。天闊遠成行。暮雨愁縉繳。秋風足稻梁。數聲何處落。應斷客中腸。

春日懷歸

一春看又晚。歸計定何年。落日低秦樹。青山隔渭川。鶯花迷故國。城郭起秋烟。獨上高臺望。白雲何處邊。

遊郊東道院

呂柟

尋幽過道院。曉霧縮珠林。小徑蒼苔合。層軒翠竹深。南山長對面。渭水更關心。雨後千花醉。風前百鳥音。

雲中九月八日同張子登高

韓邦靖

佳節明朝是。邊寒花未開。愁心看極塞。鄉思上高臺。對酒清笳發。當歌白鴈來。天涯難會面。風雨復相催。

遊桃花寺

方豪

聞說桃花寺。征人興不禁。桃花今不見。流水尚堪尋。石徑穿雲曲。僧房入竹深。寂寥須載酒。歡坐聽秋禽。

留別選禪師

分經蓮漏下。幽徑石苔封。却笑此時別。更於何日逢。敲門思看竹。解榻愛聽松。明發孤舟在。江雲千萬重。

將壇

唐龍

纓始登壇日。機成躡足時。陰陵纔解甲。雲夢已張維。
盟誓山河改。勳名狗兔悲。他年思猛士。空有大風詞。

父客

王思

父客多高興。柴門靜自開。有錢留客醉。無地買花栽。
家近千山隔。天空一鴈來。已知秋色到。扶病獨登臺。

至口遣懷

尹襄

伏枕驚長至。悠悠供奉心。嵩呼千里隔。日色五雲深。
想像爐烟細。躊躇玉漏沉。客愁如可遣。短髮尚能簪。

送王用章

張戎

念子遠行邁。匆匆持濁醪。孤帆杳烟樹。短檝蕩風濤。

到路曾題柱。承家有佩刀。成都在何處。翹首白雲高。

從軍行

薛蕙

胡馬乘秋動。邊城正晏開。天寒弓力勁。寒迥角聲哀。
雜虜憑陵至。孤軍折北迴。不知漢天子。何日棄輪臺。

水亭

路引水亭出。舟行沙岸迴。使君携客至。歌伎逐人來。
檻底鷓鴣舞。窓中菡萏開。風光莫相負。長日且銜杯。

北征

地闊塵沙外。天寒霜露中。燕雲常少日。朔氣自兼風。
夢斷南棲鳥。愁隨北向鴻。淹留憶攀桂。辛苦歎飄蓬。

駕出南郊

青鳥南郊至。蒼龍北闕來。遙傳僊蹕下。正覩紫微開。倒景中天館。叢霄上帝臺。從臣多獻賦。誰似子雲才。

駕幸南海子

詔幸芙蓉苑。傳言羽獵行。三驅陪上將。四校出神兵。列戟圍熊館。分弓射虎城。風雲日暮起。偏遶漢皇營。

海棠畫扇

西蜀繁花樹。春深亂藥紅。還憐彩扇上。宛似錦城中。影轉團團月。香含細細風。江淹才力減。賦爾若爲工。

贈董應期待御

同時多逐客。而我獨憐君。棄置勿復道。淒涼不可聞。風波一流落。江海遂離分。他日書相及。常因西北雲。

答王允升省中對雨見憶之作

康樂愁霖唱。平原苦雨詩。故人歌此曲。贈我慰相思。薜荔垂青閣。芙蓉汎綠池。今朝一樽酒。醉恨不同持。

七月十五日夜對月

嫋嫋涼風夕。紛紛零露時。秋來看明月。風露已如斯。况對西園酌。兼懷康樂詩。山中有桂樹。今夜足相思。

八月十五夜同諸友翫月

樓敞含風氣。筵開墜露文。月從今夕滿。秋向此時分。

影濕當銀漢。光斜隔彩雲。徘徊接新詠。况是鮑參軍。
道院秋日海棠

偶來僊館內。花萼滿枝紅。彷彿看珠樹。玲瓏映藥宮。
預傷白露下。坐惜綵雲空。躑躅攀條處。佳人不可同。
雪時車駕北狩大同

北極關山闊。寒冬雨雪來。霧沉玄菟塞。風繞白龍堆。
胡虜猶深入。征人且未回。遙思穆天子。黃竹有悲哀。

陳真人館中賞荷花作

別館瀛洲麗。新花菡萏香。紅衣迷日色。翠蓋寫波光。
雨過金塘濕。風生石檻涼。客來脩竹下。回首見瀟湘。

仲夏即事

林卧采芳草。今朝鷓鴣鳴。悠悠觀物化。默默感吾生。
老大慙聞道。空虛耻近名。沉吟日云暮。搔首獨含情。

江猿

舟行轉江峽。處處響哀猿。極浦雲方合。連山雨正昏。
接條時自挂。飲水復相援。不待三聲盡。先傷游子魂。

六月八日西關遇雨

窈窕西清內。參差水殿連。歸雲向平樂。飛雨集甘泉。
明月裁班女。迴風唱麗娟。龍池初望幸。來往木蘭船。
晚過仰之置酒

燕京久爲客。秋日正思家。不忍聽鴻鴈。相尋醉菊花。
空庭餘木葉。短褐滿風沙。同病今如此。酣歌惜歲華。

謁茂陵祀孝貞太后

一棄東朝養。千秋不復歸。夜臺長寂寞。月殿少光輝。
野露棲金盃。山風動玉衣。茂陵多碧草。春日自芳菲。

蕭氏園

麗日方春暮。名園更水陰。葱龍花滿徑。迤邐竹成林。
不見川原盡。祇愁雲霧深。向非澀醉後。幽絕恐難禁。

重游蕭氏園

別此真如昨。重遊換物華。粉滋曾倚竹。紅淺舊看花。

沙阪紫林曲。山籬逐水斜。城南咫尺路。未覺往來賒。

西齋

西齋休憇地。永日卧書帷。燕舞隨風絮。鶯啼集露枝。
病因閒自療。春與醉相宜。却悔牽行役。年來忽去茲。

秋夜

西園秋漸好。晚眺倚山扉。鶴語風生竹。螢飛月滿衣。
乍憐幽意愜。翻恨賞心違。延佇空林下。中宵獨未歸。

元夜諸公會不赴

九陌帝城中。烟花繞漢宮。銀河流夜月。火樹煖春風。
衾枕憂如昨。軒車恨不同。時聞玉珂響。寂寞卧墻東。

王明叔東谷卷

谷斷懸山閣。崖通度石橋。日蒸滄海氣。霞動赤城標。雪壁花先映。霜巖葉後凋。空題招隱曲。悵望隔雲霄。

泛舟

水口移舟入。煙中載酒行。渚花藏笑語。沙鳥亂歌聲。晚棹沿流急。春衣逐吹輕。江南采菱曲。回首重含情。

觀舞

妙伎出秦中。纖腰學楚宮。翠帷低舞燕。錦薦踏驚鴻。宛轉歌相似。嬋娟態不同。無因逃酒去。懊惱白頭翁。

詠燭

客醉北堂上。花生夜戶中。色亂歌梁月。影暗舞衣風。珠簾照不隔。羅幌映疑空。願得陪長讌。相看曲未終。

明妃怨

戴欽

自倚顏如玉。誰知畫失真。却憐胡地妾。虛作漢宮人。淚泣龍沙月。魂棲鳳輦塵。翻思兩黃鵠。連翼上林春。

歸鴈

避雪衝寒去。乘春帶暖歸。天空連陣遠。月落度關微。乍見驚年改。頻聞恠信稀。征人鄉思苦。莫傍戍樓飛。

宿善化寺

夜宿芙蓉頂。山寒秋月孤。流泉迴玉澗。靈籟動松衢。

人盥星河水。天留海岳圖。何年逢石髓。此地即僊都。

宮柳

陳沂

嫋嫋春聲裏。陰陰曉色中。縷垂金屋暗。花散玉樓空。疑露啼秦苑。因風鬪楚宮。不知行輦處。幾樹近簾櫳。

送劉振庭令慈利

王廷陳

別離古有調。送爾一長吁。遠下荆門鷁。雙飛漢殿鳧。鳴琴依石篠。岸幘眺春湖。暇日烟花興。風流陶令俱。

陳叟

生事緣儒誤。傷心近老貧。一冷資弟子。數口仰交親。身屬工詩病。鄰譏貫酒頻。時瞻戶外履。多是問奇人。

瑯花島

馬汝驥

碧池懸帝闕。瓊島入僊家。洞石流雲氣。星濤湧日華。桃源虛歲月。蓬海復塵沙。繡殿遊天女。燕支映夕霞。

秋懷酬泰泉學士

張治

花下踈鍾靜。天涯獨客愁。功名楊子閣。詞賦仲宣樓。杜若滄洲雨。春潮野渡舟。有懷吾共汝。雙鬢又逢秋。

江宿

移舟初極浦。倚岸即斜曛。澹澹月臨水。微微星出雲。流螢散高影。暗水聚寒紋。山雨夜深至。淒然不可聞。

草市廟

登臨猶不倦。倚杖更山扉。舊壁龍蛇落。空堂蝙蝠飛。
雲香流別澗。樹影動深磯。便欲招僊侶。青天振羽衣。

秋郭小寺

短髮行秋郭。塵沙記舊禪。長天依片鳥。遠樹入孤烟。
野曠寒沙外。江深細雨前。馬蹄憐暮色。藤月自娟娟。

伏生墓

陸鈇

斜日下荒壟。蕭蕭溪樹陰。白頭秦博士。青史漢儒林。
古碣龜文斷。平沙鳥篆深。祗餘齊魯化。絃誦滿青衿。

六合

樊鵬

聯轡來東邑。朝行暮復還。市廛通亂水。城郭帶秋山。

路出青楓外。江流白霧間。西行鄉思切。愁絕望昭關。

中秋同栗夢吉飲

高叔嗣

罷酒俱不樂。開簾望北軒。寒星出戶少。秋露墜衣繁。
散步憐新詠。平居想故園。空庭今夜月。客思豈堪言。

送別家兄張掖門時謫開州

垂泣一相送。臨途無限情。功名何物是。流落此心驚。
夢裏依荆樹。愁邊滯鳳城。終朝誰復晤。猶去戀塵纓。

人日齋居雪霽

袁袞

瑞雪逢人日。堯年感物華。水從銀漢落。山繞玉關斜。
帳殿拂晴靄。郊宮闕綵霞。今朝禁城望。無樹不飛花。

功德寺

宣皇臨御日。此地數游觀。花下停雙轡。松間拜百官。雲長依寶座。月自照瑤壇。寂寞橋陵路。惟餘古木看。

岳陽樓

輕風送客舟。新月掛高樓。遠樹天無際。孤城地欲浮。楚山橫鄂渚。夢澤接湘流。湖海惟書劍。平生此壯遊。

送張憲副國信還巴陵

夜夢巴陵道。朝辭桂水遊。宦途真塞馬。心事已江鷗。楚澤騷人怨。長沙賈傅愁。此行雖失意。猶勝客炎州。

丹徒留侯廟

黃省曾

留侯有遺廟。高枕碧江濤。偶此白雲謁。猶欽黃石心。椒漿秋一奠。松子我將尋。明月下孤棹。蒼蒼楊柳陰。

張儀部維靜觴予朝天宮

綠殿枕丹丘。珠林啓宴遊。雨飛僊觀午。雲入冶城秋。青鳥臨杯度。長江抱席流。國華逢上彥。西日任淹留。

詠鏡

梁有譽

神工鑄金液。揚彩秦王宮。菱花秋不落。水魄照逾空。鵲起瑤臺上。龍盤寶匣中。無嗟形影隔。皎潔與心同。

送業師泰泉先生赴任留都

畫鷁移江滙。文虹貫斗躔。青宮思羽翼。黃閣待忠賢。

事業雲霄上。聲華日月前。懸知多實錄。石室秘瑤篇。
于鱗子與子相元美。過訪共懷謝茂秦。

離別誰堪惜。艱危共愴神。白鷗江海狎。去鳥歲時頻。
地迥韓陵暮。天空漳水春。無爲岐路泣。老至逐時人。

送吳山人遊北岳兼謁舜澤蘇公

爾作西京客。還尋北岳遊。黃雲經紫塞。白髮憶丹丘。
久謝區中累。行參幕下籌。懸知登覽罷。長嘯拂吳鉤。

遊羅浮阻風大唐田舍二首

曾聞晉鮑靚。海上阻秋風。我亦羅浮去。飄飄烟雨中。
魚龍舟子懼。雞黍野人同。暫憩茅簷下。滄洲興不窮。

海色莽空闊。江村何寂寥。田家具燈火。野客候風潮。
漫傍丹楓宿。應期黃鶴招。如逢葛僊令。知我狎漁樵。

五言排律

長洲苑

高啓

中國久無伯。闔閭思騁功。講蒐開別苑。訓武出離宮。
宰嚭應駮乘。巫臣寔御戎。鼗鳴深谷應。且掩廣場空。
遠曳梢雲旂。高彎射月弓。三驅儀已畢。七伐步還同。
甲騎從輿後。蛾眉侍幄中。煮胎須紫豹。膺掌得玄熊。
樂事方難極。英圖忽易窮。城迷歌黍客。地屬采莠童。
輦道崩秋雨。旗門失晚風。犬亡魏肆狡。人去雉爭雄。

草樹迎蕭索。湖山罷鬱葱。猶疑見獵火。寒燒夜深紅。

夏水

寒收疑凍井。晚薦納涼宮。抱潔存天質。銷炎奪化工。
氣蒸金盃潤。色映玉盤空。弱藻含猶在。纖塵隔未通。
非山寧可倚。是水復當融。照夜何須月。驚秋詎待風。
製屏應不隱。作佩定難攻。客貌清誰並。僊肌瑩自同。
宜涵筠簟素。愁逼桂爐紅。願解行人渴。分貽道路中。

奉題王會圖

王禕

自昔興王盛。要荒敢後期。梯航重九譯。冠帶極羣夷。
執贄稱周貢。來庭表漢儀。紛然方物備。各爾土風宜。

氍毹交揮霍。珊瑚競陸離。象牙來赤土。犀角出黃支。
畢獻俱珍異。咸懷係撫綏。同文斯有象。至治實維時。
紀事歸惇史。圖形屬畫師。睢盱真髮髯。絡繹互參差。
不藉良工筆。誰窮異域姿。千年觀盛際。允矣在今茲。

上巳

揚基

暖日風雩好。晴江拔袂過。徑穿花底窄。春向水邊多。
穠艷羞桃李。輕軀稱綺羅。髻搖金婀娜。鞍覆錦盤陀。
曲浪留紋羽。峨峯進紫駝。遊人傾巷陌。啼鳥避笙歌。
坐障陰圍柳。行茵軟藉莎。漱酣香泛渚。滌器膩浮波。
富貴唐天寶。風流晉永和。暮歸車馬鬧。珠翠落平坡。

挽理上人

林鴻

隻履歸何處。懷師淚滿襟。浮雲生滅理。明月去來心。
閱世真如夢。安禪不廢吟。留衣分法侶。寫偈別朋簪。
雨蘚侵行跡。風泉想梵音。一燈寒燭暝。孤樹落花深。
塔閉蟲黏戶。巢空鶴避林。歷攀山下路。從此罷登臨。

七夕送丁侃吳江教諭

楊士奇

玉露下青冥。銀河會兩星。故人當遠別。獨棹下前汀。
曉月滄洲詠。秋風泗上亭。芰荷香欲過。楊柳翠將零。
小邑連吳郡。青山滿洞庭。官居自有適。况乃坐譚經。

扈從度龍門作

王英

邊塞山川壯。關城地勢雄。崖傾開鳥道。路險瞰龍宮。
後隊千旗擁。前驅一騎通。紆迴多傍澗。登陟半凌空。
雨霽巖前霧。香飄樹杪風。雲隨僊仗白。花映御衣紅。
景屬陽和後。恩覃化育中。臨高須刻石。從此紀神功。

挽黃少保福

徐有貞

公也人中傑。乘時起海濱。明良欣際會。屯難見經綸。
鸞鳳無卑集。龍蛇有詘伸。玄成多直諫。懷慎素安貧。
冀此初分治。交南久撫馴。自當忠狗國。竟以德全身。
天下稱賢者。朝廷重老臣。命官方保奭。居守比君陳。
奄歎摧梁木。俄驚萎大椿。悲風來萬里。陰翳蔽

三○辰○遺○烈○存○青○史○餘○休○在○後○人○淒○涼○聞○訃○日○哀○思○動
儒○紳○

、迎駕

張和

四○海○昇○平○日○圓○丘○歲○祀○時○禮○成○旋○玉○輅○仗○列○擁○金○枝○
貔○虎○森○前○導○貂○蟬○儼○後○隨○瑞○霞○籠○寶○燾○晴○旭○射○鸞○旗○
慶○洽○天○人○應○春○回○草○木○知○自○慙○衰○朽○質○怵○舞○從○夷○薨○

送朱維吉歸江陰

徐溥

落○落○澄○川○老○青○雲○早○乞○身○有○懷○尋○水○石○無○憂○動○星○辰○
祖○席○燕○臺○上○歸○舫○潞○水○濱○已○能○酬○壯○節○何○必○問○通○津○
杖○履○高○軒○晚○鶯○花○別○墅○春○塵○途○試○回○首○多○少○未○歸○人○

南京謁 孝陵有述

李東陽

禮○樂○千○年○會○腥○羶○四○海○空○商○周○終○愧○德○唐○漢○敢○論○功○
鳳○曆○歸○真○統○龍○山○繞○舊○宮○秋○風○霸○陵○樹○落○日○鼎○湖○弓○
萬○國○謳○歌○在○餘○生○覆○載○中○小○臣○瞻○拜○地○江○漢○亦○朝○東○

華嶽

李夢陽

有○嶽○雄○西○土○三○峯○插○渭○川○省○方○朝○白○帝○分○野○障○金○天○
逖○矣○威○靈○赫○遐○哉○秩○望○虔○百○王○開○寶○錄○七○聖○演○瑤○編○
綺○殿○丹○青○列○文○窓○俎○豆○聯○風○雲○蒸○大○壑○日○月○避○層○巖○
鷲○舉○天○門○闕○鰲○吐○地○軸○旋○巖○巒○莽○翕○香○嶺○嶂○鬱○聯○翩○
猿○挂○僊○人○掌○蘿○飛○玉○女○泉○霞○霽○夕○的○樂○錦○繡○曉○相○鮮○

葛藟援金壁。芝苓冒紫烟。石膏添復結。鍾乳滴猶懸。
右壓秦胡壯。南包漢鄧偏。徒追散馬日。緬憶祖龍年。
箭括通神戶。雲臺秘妙筵。豈惟棲鳳侶。亦以遯鴻賢。
方士騎茅狗。宮人采石蓮。寨帷瞻窈窕。拄笏悵攀緣。
陰井邀雷馭。陽厓起電鞭。聊遊凌絕頂。不為學神僊。

鄱陽湖

太祖平陳日。樓船下此湖。波濤留壯色。天地見雄圖。
水上開黃屋。雲中下赤烏。士猶詢後載。戈已倒前途。
力屈鯨鯢。聲回鴈鷺。呼橫江收玉筥。跨海定金符。
文軌遙通楚。榜航迄至吳。虎賁維莫敵。龍戰豈全辜。

血染猶丹草。骨沉空白燕。汀洲夜寂寂。霜月鬼嗚嗚。
殺氣電颺徙。腥風島嶼孤。魯人拾古鏃。艇客慨秋菰。
偉彼高光烈。還將蕭鄧頌。英謀協睿筭。勇奮想長驅。
劍瘞神仍在。舟焚勢與徂。康山魏廟在。忠武激顏夫。

哭徐博士

乾坤風色暮。江漢哭斯人。棘寺翻飛日。文園久病身。
數竒官竟左。林大命須貧。放浪原違癖。羈淹祇為親。
赤城終羽節。璧水暫儒紳。鵬鷲偏垂翮。鯨鯢不縱鱗。
回殂豈道薄。屈憤轉時屯。藥石竟能返。龍蛇識亦真。
楚狂嗟鳳鳥。魯叟泣麒麟。邂逅京華始。風雲氣象新。

蓬鶴倍玉笋倚馬接華裊。宅燕南陽月花吟東部春。
回頭成宿昔開眼漸風塵。妻子今誰托文章後益振。
王喬跨鴈鶴傳說化星辰。松栢丘墳岬灰沙劍舄陳。
閭門寒擊甕吳水痛沉珍。宿草扁舟阻生芻絮酒伸。
碑非蔡邕愧誅豈仲宣倫。獨把延陵劍吞聲淚滿巾。

郊觀

何景明

今代園丘地。天開壯麗區。神祇二后配。禮樂百王殊。
制作由皇祖。儀章藉老儒。萬靈欽受紀。七聖實成圖。
柴望兼儒典。登封畧漢模。巍基錯采繪。法象備堪輿。
丹戶乾坤闢。雕墻海嶽扶。瑤壇上星斗。琳觀俯虛無。

輔弼朝玄座。勾陳衛紫樞。風含浴殿暖。雲裊露盤孤。
好時瞻春祀。嵩高聽夜呼。公侯守禁籞。虎旅發金吾。
玉輦臨犧宰。珍羞走膳夫。廟縣鏞鼓列。庭舞羽千趨。
俎豆聯周籩。珪璋識夏瑚。祠官足錦繡。道士住蓬壺。
澤草三花綻。宮霞五色敷。時時聆磬管。鬱鬱瑣松梧。
日月歲金匱。龜龍秘赤符。祈天洪洛誥。渡海斥秦誣。
杜甫唐三禮。班生漢兩都。侍臣從此賦。千載頌文模。

悼馬

乘爾方踰歲。何期病忽危。四蹄猶未鑿。雙淚泣長垂。
渥水千年降。房星一夜隳。早逢田子嘆。終共塞翁悲。

顧影辭金絡。遺骸戀敝帷。詎能酬飼秣。那復效驅馳。
首宿殘空櫪。莓苔滿故池。鳳塵思駿力。烟海失龍姿。
惆悵玄黃句。淒涼赭白詞。平生精志在。不媿主人知。

寄徐博士

有美雲間士。才名洛下傳。逢時不得意。謫宦轉悠然。
殊渥優文學。清階謝紉纏。班行亦霄漢。官侶是神仙。
樓閣星辰麗。宮墻日月連。院桃紅爛日。闕檜鬱參天。
賈誼爲王傅。陽城淑後賢。諸生攻誦法。六館藉陶甄。
玉序金墉列。虛廊石鼓懸。雅音淒古調。竒字索遺鐫。
劉向憂京術。揚雄困草玄。羅傷廷尉宅。座嘆廣文壇。

魯辟藏書日。齊門鼓瑟年。青衿時涕淚。學士盡奔還。
鸚鵡愁金絡。麒麟耻玉鞭。客心千里雁。歸興五湖船。
上國同傾蓋。長宵更接筵。彩雲停翠管。白雪繞朱絃。
悵別燕臺下。淒涼楚水邊。海鷗終浩蕩。天馬自騰騫。
朋舊稀相見。江湖益可憐。因風問消息。尺素幾時旋。
送金中丞赴延綏

邊貢

上郡防胡切。中丞入陝遙。隼旂明曉甸。鏡吹轉春橋。
二月花新綴。三川雪正消。北門來寇準。西極使班超。
國仗和戎利。人傳破膽謠。按圖收地險。堅壁阻天驕。
禮樂欽儒將。經綸翊聖朝。長城一身是。詎數霍嫖姚。

靈隱寺贈靜公

徐禎卿

聞有千年寺。長松信許深。
冲虛半樓閣。落日更登臨。
舟楫函中小。藤蘿天際陰。
江流明暮靄。石澗響空林。
蟠據雄都會。風烟異古今。
幽貞余有慕。詩義爾能尋。
雲翼無言健。淵魚本自沈。
終期白蓮社。來就玉山岑。

衛河集別

鄭善夫

去國心仍苦。風塵病未休。
六飛淹歲月。八極想遨遊。
水動魚龍夕。雲般鸛鷓秋。
江山回紫氣。沙塞度青牛。
祇有簪朋戀。聊爲文字留。
遐心杳無盡。寄與衛河流。

夏日郊居偶書

薛蕙

郊外漁樵徑。丘中隱遁居。
閉門三伏日。堆案數函書。
俛仰歲過半。登臨興有餘。
賞心吟不愜。物色畫難如。
高閣雲峯麗。橫塘水鏡虛。
迴風搖綠籜。落景斂紅蕖。
滿眼多情在。雙眉一笑舒。
壺觴祇自酌。魚鳥盡相於。
衰疾宜調護。紛華更掃除。
永辭朝市客。高枕卧田廬。

送唐子朝長陵

陳東

周王東定日。虞后北巡年。
虎旅陰山轉。龍舟夜壑遷。
珠丘開白壤。琳殿閔玄泉。
示儉裁流水。崇威迫跨邊。
雲中分地脉。斗極應星躔。
方墮天難陟。冠遊月尚遷。
光靈六聖扈。警蹕八神傳。
南至恭明祀。東曹簡上賢。

瞻依徒欲贈。悽惻未能宣。

閒居謾述

梁有譽

大雅悲前代。虛懷任此生。長楊空有作。小妙竟何成。
窮嘆廳前技。才憐鴈善鳴。江湖風物改。容鬢壯心驚。
自昔倦持戟。於今羨濯纓。風騷情屢感。山水意先傾。
野飯供菰米。幽居葺杜衡。忘機知鳥性。取適聽泉聲。
露井猶飄葉。霜籬自落英。長鏡為歲計。短褐謝時名。
永日香增爇。清宵茗續烹。購書無積俸。閱史有新評。
擾擾哀時事。悠悠見物情。虎頭痴獨絕。龜手術徒精。
紙益交期苦。難忘世網嬰。願逢調玉燭。詎意賜金莖。

間就君平卜。沉思孺子耕。仰賢慙竊祿。對客厭談兵。
達士還觀妙。玄風豈在羸。河濱能授道。柱下戴持盈。
僊與冷霞法。僧尋住嶽盟。高龜望雲物。終作十洲行。

六言律詩

璿姬墓

高啓

夢別芙蓉殿。頭斷釵零落。誰收土昏青。鏡忘曉月冷。
珠襦恨秋。麋鹿昔來廢苑。牛羊今上荒丘。香奩若怨
亡國。莫與西施共遊。

明山妙亭為王戶侍賦

李夢陽

舊業門前五柳。綠橘黃柑數畝。烟霞不負閒身。社稷

空餘白首看月天柱峯頭採藥洞庭湖口扁舟薄暮
歸來疑是滄波釣叟

明音類選卷之九

明音類選卷之十

七言律詩

春興

劉基

會稽南鎮夏王封蔽日騰空紫翠重陰洞烟霞輝草
木古祠風雨出蛟龍玄圭此日歸何處玉簡他年豈
再逢安得普天休戰伐不令竹箭困輸供

冬暖

今年南國天氣暖十月赤城桃有花江楓未肯換故
色汀草強欲抽新芽野畦落日舞殘蝶小池過雨喧
鳴蛙城上幾時罷擊柝愁見海雲蒸晚霞

侍宴鍾山應制時蘭州方奏捷

清和天氣雨晴時。翠麥黃花夾路歧。萬里玉關馳露
布。九霄金闕絢雲旗。龍文騾象駉鸞輅。馬乳葡萄入
羽卮。衰白自慚無補報。叨陪儀鳳侍瑤池。

過徽州別魏府尹

汪廣洋

與君携手鳳池東。題徧春階芍藥紅。况復雲山千里
別。豈知風雨一尊同。少陵老去憂多病。王粲年來喜
事戎。二十五灘烟水急。幾時歸棹月明中。

廣陵懷舊

官柳陰陰鎖汴橋。暖催晴綠上蘭橈。花迎后土依然

在人。去東風不可招。紫陌漸稀春試馬。青樓殊絕夜
鳴簫。回看烽火連雲起。應使江淹嘆寂寥。

登越王臺二首

趙佗垂老思鄉國。北面長吟上越臺。潮汐終迴滄海
去。岡巒多自白雲來。鳥啼花落榕城靜。酒熟荷香荔
圃開。最喜殊方無事日。好從高處望蓬萊。

絕頂涼風捲翠濤。俯臨闌闔見秋毫。瑯簷碧瓦連層
閣。錦纜牙檣擁萬艘。鴈趨城邊沙草合。虎頭門外海
潮高。何人得似任公子。來去三山釣六鰲。

豫章中秋

丹桂吹香玉宇寒。緒風如水月如盤。空傳許遜駮黃
鵠。不見文簫逐絲鸞。樂奏廣庭雲外落。山連章渚鏡
中看。宿筵有酒君當酌。莫待秋霜滿髮端。

閒題前元舊事

王冕

樓臺矗矗帶京華。金玉重重護帝家。雲合紫駝開虎
帳。天連青草入龍沙。春風小殿看飛燕。夜雨重城散
落花。甲乙流蘇僊夢好。莫教方士問丹砂。

金陵懷避亂作

壞墻幽徑草青青。何處園林是舊京。海氣或生山背
雨。江潮不到石頭城。英雄消歇無人語。形勢周遭夕

照。明回首長干思無限。水風楊柳作秋聲。

春日駕幸鍾山應制

詹同

大駕春晴臨寶地。鍾山老翠擁金僊。瑤花如雨三千
界。紫氣成龍五百年。風送香烟浮袞服。池涵樹影拂
青天。詞臣侍從何多幸。安得詩才似涌泉。

嚴子陵釣臺

張以寧

故人已乘赤龍去。君獨羊裘釣月明。魯國高名懸宇
宙。漢家小吏待公卿。天回御榻星辰動。人去空臺山
水清。我欲長竿數千尺。坐來東海看潮生。

錢塘懷古

荷花桂子不勝悲。江介繁華異昔時。天目山來孤鳳歇。海門潮去六龍移。賈充誤世終無策。庾信哀時尚有詞。莫向中原誇絕景。西湖遺恨似西施。

吳江客中冬至

王偉

十年奔走竟何為。轉覺謀生事事非。時序每驚愁裡換。家山長向夢中歸。吳江歲晚寒波積。楚塞天空朔鴈稀。醉後登樓倍惆悵。緇塵猶滿舊征衣。

清明呈館中諸公

高啓

新烟著柳禁垣斜。杏酪分香俗共誇。白下有山皆繞郭。清明無客不思家。卞侯墓上迷芳草。盧女門前映

落花喜得故人同。待詔擬沽春酒醉京華。

送沈左司從汪叅政分省陝西汪由御史中丞出

重臣分陝去臺端。賓從威儀盡漢官。四塞河山歸版籍。百年父老見衣冠。函關月落聽鷄度。華岳雲開立馬看。知爾西行定回首。如今江左是長安。

送鄭都司赴大將軍行營

上公承詔出蓬萊。立馬風烟萬里開。勦履已分無棣遠。舞干還見有苗來。牙前部曲多收績。幙下賓僚更倚才。後夜軍門知子到。郎星應是近三台。

寄題安慶城樓

層構初成百戰終。憑高應喜楚氛空。山隨粉堞連雲起。江引清淮與海通。遠客帆檣秋水外。殘兵鼓角夕陽中。時清莫問英雄事。回首長烟滅去鴻。

春來

客愁擬向春來減。春到愁翻倍舊時。走馬已無年少樂。聽鶯空有故園思。日光晶晶濃熏草。風力颺颺緩墮絲。辟歷溝南酒家路。共誰來往問花枝。

江上晚眺懷王著作

渡頭西望足離情。晚水寒山雪後晴。鷗立斷水流漸

遠。鴉隨殘照去。還明漁人笛。過風生浦。估客帆回樹。隔城范蠡祠。前春意動。思君欲放酒船行。

秋日江居寫懷二首

葭菼連秋渺渺長。歸舟猶歎滯江鄉。客衣欲冷隣機急。農事初成野飯香。千里斷雲隨鴈鷺。半村殘照送牛羊。有愁不解登高賦。空使頻迴宋玉腸。秋塘門掩竹穿沙。為客隣醅未易賒。閒裏壯年慙白。日愁中佳節負黃花。漁村靄靄綠江暗。農逕蕭蕭入圃斜。薄俗相輕吾敢怨。魯人猶自誚東家。

梅花四首

瓊姿只合在瑤臺。誰向江南處處栽。雪滿山中高士
卧。月明林下美人來。寒依疎影蕭蕭竹。春掩殘香漠
漠苔。自去何郎無好韻。東風愁寂幾回開。
繡袂相逢半是僊。平生水竹有深緣。將疎尚密微經
雨。似暗還明遠在烟。薄暝山家松樹下。嫩寒江店杏
花前。秦人若解當時種。不引漁郎入洞天。
翠羽驚飛別樹頭。冷香狼籍倩誰收。騎驢客醉風吹
帽。放鶴人歸雪滿舟。澹月微雲皆似夢。空山流水獨
成愁。幾看孤影低徊處。只道花神夜出游。
澹澹霜華濕粉痕。誰施綃帳護香溫。詩隨十里尋春

路○愁○在○三○更○挂○月○村○飛○去○只○憂○雲○作○伴○銷○來○肯○信○玉
為○龜○一○尊○欲○訪○羅○浮○客○落○葉○空○山○正○掩○門

次韻俞士平見寄

一○棹○滄○浪○兩○鬢○絲○豫○章○孤○客○苦○相○思○作○歌○幾○日○空○招
隱○載○酒○何○人○為○問○竒○吳○苑○舊○遊○山○色○在○楚○江○歸○夢○月
明○知○莫○言○別○後○音○塵○絕○長○倚○東○樓○憶○紫○芝

圮上懷古

孫贇

草○沒○荒○臺○烟○樹○疎○維○舟○凝○眺○久○踟○躕○凌○波○見○說○求○僊
獲○博○浪○曾○聞○中○副○車○勲○業○赤○龍○三○尺○劍○風○雲○黃○石○一
編○書○獨○憐○衣○赭○人○如○玉○鴻○鵠○歌○殘○怨○有○餘

圓丘大祀

松柏蕭森倚半空。天壇高峙帝城東。宸旒肅穆千官合。鹵簿輝煌萬國同。上界清都移碧落。泰階黃道隱晴虹。相如莫獻青鸞賦。不是祈靈太乙宮。

淮上憶京

去歲斯辰客帝畿。蔣陵西曲鴈飛飛。秋風叢菊開芳逕。落日浮雲滿翠微。老去吟邊芳物改。別來天上故人稀。登臨復對清尊酒。醉倚淮山憶禁闈。

陪翰林宋承旨遊鍾山

天上禪關敞薜蘿。每緣休沐得經過。雲籠梵宇青蓮

濕地接宸居。紫氣多。甘露結花凝木杪。醴泉和雨落巖阿。欲陪謝傅金屏約。未解朝簪柰爾何。

清明

甘瑾

輕寒天氣半晴時。隴麥畦桑綠漸肥。誰與試烟傳蠟燭。且謀沽酒典春衣。東風門巷桐花落。流水池塘燕子飛。吟罷不堪搔白首。杜鵑何事勸春歸。

聞笛

袁凱

花發吳松江上村。隔花吹笛正黃昏。風塵遠道歸何日。燈火高樓合斷魂。夜靜幾家無別淚。雨聲終日過柴門。天邊楊柳今無數。短葉長條非故園。

京師歸至丹陽逢侯生太醉

白下西風吹夜涼。五湖秋草動微霜。千家砧杵初凌亂。獨客關山正渺茫。歸去定應殘臘盡。飄零猶幸此身強。丹陽郭裏盈尊酒。且為侯芭發醉狂。

白燕

故國飄零事已非。舊時王謝見應稀。月明漢水初無影。雪滿梁園尚未歸。柳絮池塘香入夢。梨花庭院冷侵衣。趙家姊妹多相妬。莫向昭陽殿裏飛。

采石

楊訓文

騎鯨僊人海上歸。至今草木猶清暉。千山落日送樵

笛。萬里長風吹客衣。春空蛾眉浮翠黛。夜光犀渚沉珠璣。神遊故國應過此。高冢臨流知是非。

蛾眉亭

劉丞直

昔從淮海泛歸舟。曾為蛾眉十日留。翠袖鴈行歌子夜。玉壺鯨飲醉清秋。江山有待仍青眼。歲月無情易白頭。滿目閑愁消未得。數聲漁唱起滄洲。

錢塘西湖

朱夢炎

萬里烟銷一鏡空。水光山色畫圖中。瓊樓燕子家家雨。錦浪桃花岸岸風。畫舫舞衣凝暮紫。繡簾歌扇露春紅。蘇公堤上垂楊柳。尚想重來試玉驄。

途次感秋

楊基

娟娟西風吹逝波。冥冥灑氣逼星河。宣王石鼓青苔。武帝金盤白露多。八陣雲開屯虎豹。三江潮落見鼉鼉。沅湘一帶皆秋草。欲采芙蓉柰晚何。

春日白門寓懷用高季迪韻

得歸雖喜未忘悲。夢裡猶驚在別離。尚短柳如曾折後。已殘梅似半開時。江雷殷夜虫蛇早。山雨崇朝蛺蝶遲。製取烏巾籠白髮。免教春色笑人衰。

春草

嫩色柔香遠更濃。春來無處不茸茸。六朝舊恨斜陽。

外南浦新愁細雨中。近水欲迷歌扇綠。隔花偏襯舞裙紅。平川十里人歸晚。無數牛羊一笛風。

懷方員外

南浦芙蓉雨滿津。惟君別我最傷神。非緣四海無知己。自覺中年少故人。黃葉亂蟬江寺晚。綠陰啼鳥掖垣春。此時詩興誰能識。還憶山林賀季真。

清明雨中傷感

減衣時節尚寒天。暫倚東風泊畫船。十里樓臺仍細雨。五侯池館又新烟。且簪楊柳酬佳節。莫對桃花憶去年。總是無情也。腸斷鷓鴣聲裏又啼鶯。

北捷應制

黃哲

王師幾日定秦郵。詔發奇兵出壽州。橫海樓船通楚甸。羽林旌節渡淮流。胡笳慘動關山月。戎帳威傳草木秋。聞道鷹揚能奮迅。思歸燕將莫夷猶。

正月初四日南郊禮成

午夜祥雲繞太微。聖明開運六龍飛。簫韶享帝聲容麗。王帛來王曆數歸。寶幄天光臨負屨。金輿春色映垂衣。儒臣幸覩唐虞際。三祝堯年仰曙輝。

送董文啓之江夏宰

委佩晨看拜玉除。西遊真食武昌魚。王孫碧草秋無

際。僊掌金莖露下初。今日才名須卓茂。當年詞賦說相如。登臨若對南樓月。待爾賓鴻寄尺書。

贈王深之官永康

賞心亭下玉壺傾。客裏難堪送客情。沙際綠蕪朝雨淨。天涯江樹晚雲平。扁舟剡水因乘興。高策河汾舊有名。勿謂微官淹驥足。金華涼月對秋清。

舟泊龍灣寄孫仲衍

吳檣楚柁十年間。又度秦淮虎豹關。眼底故人成寂寞。夢中塵業負高閑。九州風雨東南會。七澤波濤日夜還。江上思君雲路杳。掀蓬秋對蔣陵山。

次韻仲衍巫峽秋懷

白帝城高蜀漢間。錦江秋色隔巴山。霜清灩澦瓊瑤動。雨散陽臺紫翠環。王事歸心俱未已。世情岐路轉相關。扁舟莫繫楓林下。卧聽寒猿一夜還。

壬子秋過元故宫四首

宋訥

鬱葱佳氣散無踪。宮外行人望九重。一曲歌殘羽衣舞。五更粧罷景陽鍾。雲間有闕摧雙鳳。天外無車駐六龍。欲訪當時泛舟處。滿池風雨落芙蓉。清寧宮殿閉殘花。塵世回頭換物華。寶鼎百年歸漢室。錦帆千古似隋家。後宮鸞鏡投江渚。北狩龍旂沒

塞沙想見扶蘇城。上月照人清淚落。胡笳

萬國朝宗拜紫宸。于今誰望屬車塵。名聞少室徵奇士。驛斷高麗進美人。朝會寶燈沉轉漏。授時玉曆罷

頒春。路傍野服儒冠老。曾是花塲視草臣。

雲霄宮闕錦山川。不在穹廬毳帳前。螢燭夜遊隋苑囿。羊車春醉晉嬋娟。翠華去國三千里。玉璽傳家八十年。今日消沉何處問。居庸關外草連天。

楊孟載見寄次韻

王行

懷刺歸來卧枕書。白雲滿榻閉門初。草玄未信揚雄病。禮法從知阮籍踈。短障夕陽悲蟋蟀。方塘秋水老

芙蓉夢回身在蕭騷裏。一任狂風卷弊廬。

荆南江次晚眺有感

劉仔肩

沙頭寂寞晚維舟。詞客重來感舊遊。江上夕陽諸葛廟。雨中芳草仲宣樓。天連錦水來春色。雲暗襄陵起暮愁。回首可憐梁父意。一官牢落向南州。

行樂過西庵

張羽

白日都消筆硯間。偶因行樂到松關。秋聲不盡蕭蕭葉。夕景無多澹澹山。蛩響寒齋僧自定。苔荒深院客長閒。已知身世俱成幻。莫嘆西風鬢易斑。

揚州道中

馬頭津口足風波。歲晏遙乘一傳過。南渡客來多漢語。下江人去半吳歌。蕪城摠入新編戶。瓜步斜連古漕河。何處吹簫明月下。野田茆屋曉烟多。

鳳凰山懷古

徐賁

荒山欲逐鳳飛騫。誰構浮屠壓寢園。土厚尚封南渡骨。月明不照北歸鳧。海門有路雙龍去。沙渚無潮萬馬屯。莫向西風更惆悵。梵王宮殿易黃昏。

登廣州城樓

五嶺南來瘴海深。秋風榕葉尚陰陰。安期一去家遺。為陸賈重來橐有金。門限虎頭潮上下。城開鴈翅客。

登臨清時不用頻興感萬里惟存向闕心

春興

李德

終南山色翠含烟。太白峯高尺五天。春暖鸞花連萬室。月明笙鶴會群僊。黃塵白髮三千里。流水浮雲十二年。齊楚飄零成潦倒。令人猶自憶秦川。

寄妻弟鄭子玉

年年留滯漢江頭。華髮蕭蕭不奈秋。夢斷鄉關猶是客。望窮烟水更登樓。西風鴻雁來芳信。南紀親朋憶舊游。聞道菊松無恙在。可能歸去覓菟裘。

漢陽縣作

漢水東流日向西。孤村烟樹鷓鴣啼。纖纖岸草迎人恨。踏踏江沙送馬蹄。有客問奇仍載酒。故人相過輒留題。暮年正爾逢知己。布襪青鞋信杖藜。

發龍潭別王惟吉張廷彥

日日螭頭紀玉音。敢期清夢到山林。賈生對策曾前席。疏傅歸田更賜金。日月行瞻丹闕迥。烟霞老去草堂深。相看已是康衢叟。擊壤無忘報國心。

送崔元正檢校還鄉

君辭畫省尋初服。我別金門問故居。聖主恩波深雨露。野人生計托樵漁。黃雞白酒秋成後。紅日青綾

曉夢餘為報五陵車馬客。嵇康真有絕交書。

舟次匡廬寄同朝諸公

翰墨同時侍禁闈。恩榮誰謂及寒微。舍人舊掌絲綸
誥。御史新裁錦繡衣。天上鵷鷺還接武。江邊鷗鷺已
忘機。他年行部如相問。秋水蘆花是釣磯。

秋興

郭奎

月下清砧響。夜闌征人不寐憶長安。霧迷南國遊蒐
泣。草沒中原戰骨寒。直望明河臨魏闕。誰沾零露捧
金盤。十年關塞無家別。仗劍猶悲行路難。

文春山瞿硎先生故居

黃茅蓋屋石為門。路轉溪迴更有村。果樹翳園收芋
栗。豆花連野散雞豚。雲深易就漁樵隱。山遠全忘市
井喧。何獨武陵堪避世。此中佳處亦難言。

過吳淞江

顧觀

洞庭一水七百里。震澤與之俱渺茫。鴻鴈一聲天接
水。蒹葭八月露為霜。輕風謾引漁郎笛。落日偏驚估
客航。我亦年來倦遊歷。解纜隨處濯滄浪。

送劉彥英

江右衣冠如向日。黑頭兄弟亦還家。重經白下橋邊
路。頗憶玄都觀裏花。暮雨踈簾飛舊燕。暖風芳樹哺

慈鴉兮旌處處求巖穴未許行吟玩物華

吳彥明秀樾堂

出郭卜居何所似杜陵浣花溪水頭
檉林吟風草堂靜柵樹接葉茅亭幽
每從圖史慰岑寂復有琴尊陪燕遊
平生我亦愛清賞他日訪君須買舟

送舒從事還海南

任原

老逢離別倍傷情一騎臨秋復送行
客路驚心孤鴈影家林入夢斷猿聲
珠厓日落天低海銅柱雲寒雨過城
翻憶舊遊多感慨獨嗟書劔誤儒生

題水簾洞

宋遂

石泉飛雨亂淋漓翠箔銀絲萬縷齊
雲屋潤含珠網密月鈎涼沁玉繩低
鮫人夜織啼痕濕湘女晨粧望眼迷
恍似水晶宮殿裏四簷花雨亂鷺啼

海屋為彝古鼎賦

董良史

海上高僧屋數椽珊瑚碧樹繞階前
過橋雲磬天台寺泊岸風帆日本船
龍女獻珠來供佛鮫人分席與叅禪
百年劫數如彈指眼見桑田幾變遷

秋夜

陳汝言

喔喔荒鷄唱五更起瞻北極大星明
佳人搗練秋如水壯士吹笳月滿城
江海久慙生計拙干戈深動故

園情尺書望斷南來鴈。惆悵空令涕淚橫。

寄萬德躬

劉崧

日暮山風吹女蘿。故人舟楫定如何。呂僊祠下寒砧急。帝子閣前秋水多。閩海風塵鳴戍鼓。江湖烟雨暗漁簑。何時醉把黃花酒。聽爾南征長短歌。

秋林圖題贈曠伯達

迴風蕭蕭吹北林。行雲冉冉生夕陰。天寒鴈去洲渚淨。秋雨龍吟波浪深。飄泊共憐今日興。畫圖因見古人心。幾時螺子青楓下。深結茆堂更遠尋。

寄范質夫

細雨柴門生遠愁。向來詩帖若爲酬。林花落處頻中酒。海燕飛時獨倚樓。北郭晚晴山更遠。南塘春盡水爭流。可能相別還相憶。莫遣楊花笑白頭。

雲亭蕭氏園池次韻

竹底雛鷺盡日啼。水風涼動小池西。麝香眠處殘花落。蛺蝶飛時碧草齊。二水風鳴湘珮合。三山雲壓楚鬟低。水盤宴客清陰裏。次第詩成石上題。

春日遊東苑應制

林鴻

長樂鍾鳴玉殿開。千官步輦出蓬萊。已教旭日催龍馭。更借春流泛羽杯。堤柳欲眠鶯喚起。宮花乍落鳥

銜來宸遊好把簫韶奏京國于今有鳳臺

春日陪車駕登蔣山

鍾山月曉樹蒼蒼鳳輦乘春到上方馴鳥不隨天仗
散量花故落御衣香珠林霽雪明山殿玉澗飛泉近
苑墻自愧才非枚乘匹也陪巡幸沐恩光

題中天樓觀畫

海上三山接混茫僊居遠在白雲鄉樓當太乙星辰
近樹拂勾陳雨露香絳節御風來阿母玉簫吹月醉
周王可憐八駿歸來晚蕭颯蛾眉兩鬢霜

登岳陽樓

湖水平臨瓊子國岳陽絕勝濯龍宮樓臺迥出丹霄
外島嶼浮來玉鏡中墨客琴尊惟醉月榜人舟檝若
乘空青蘋風起猶能賦不獨蘭臺宋玉工

和張考功春日早朝遇雪

今年春早覺春寒紫禁朝回雪未乾太液月低銀兔
濕蓬萊天近玉龍蟠吳鹽色瑩差堪擬郢曲才高欲
和難最喜風光先報柳漸舒晴翠拂闌干

賦得垂楊送客

客路垂楊最有情暖風吹綠漸冥冥雨深煥帝宮前
見月白桓伊笛裏聽葉暗未堪蔽乳燕花飛終恨化

浮萍分携欲折長條贈愁絕河橋酒幔青

秋日登周益公墓

張璧

丞相祠堂烟草寒。秋來時復一登山。銅駝有恨乾坤老。翁仲無言歲月閒。千古文章歸地下。百年禮樂寄人間。含情讀罷殘碑後。落日西風送客還。

奉天殿早朝

張紳

閭闔初開月正低。珮聲趨進午門西。旌旗影動銀河落。文武班分玉筍齊。白象樓前扶輦過。紫駟花底向人嘶。朝回緩步歸青瑣。冉冉朱衣照御堤。

送賈文學入京

浦源

春城送別已斜陽。花發官亭酒正香。遠騎青山江上路。新鶯細柳禁中牆。踈星北闕趨朝早。澹月南宮聽漏長。誰謂賈生年最少。獨能陳策輔君王。

西城晚眺

宮柳猶遮舊女牆。角聲孤起送斜陽。英雄百戰成寒落。吳楚平分自渺茫。寒鴈動愁離塞遠。暮江流恨入雲長。古今天地誰非客。何用登臨獨感傷。

挽高季迪

鼓罷瑤琴遂解形。蕭蕭日影下寒城。薄田供祭遺妻孥。新塚題名望友生。地下未應消俠氣。人間誰肯沒

詩名舊廬重過悲聞笛欲賦招魂竟不成

送人之荆門

長江風颺布帆輕西入荆門感客情
三國已亡遺舊壘幾家猶在住荒城
雲邊路繞巴山色樹裏河流漢水聲
若過旗亭多買醉不須吊古謾題名

客中春懷二首

藍智

竹裏山雞啼未休江南二月景如秋
半簾花雨寒欺袂一片江雲晚傍樓
亂世青春如過夢少年華髮忽盈頭
故園動是經年別滿眼干戈添客愁
二月荒城鼓角哀江墟日午瘴烟開
東風何處桃花

落野屋誰家燕子來扶病登樓空有賦
裁詩却虜愧無才蕭蕭短髮身如寄
九曲愁腸日幾迴

寄趙高士易窓慶上人雲岡華幼武

昨宵風雨釀春寒曉日雲開路未乾
碁局定須尋李遠杖藜還肯過蘇端
翻經丈室留龍卧點易虛窓倩鶴看
暫假飛鳧枉飛錫竹林深處罄交懽

早發祿豐驛程本立

驛樓燈火見西屯使者出門人語喧
天寒馬渡此溪水月落鷄鳴何處村
六詔山川皆郡縣百年身世任乾坤
若為看見梅花發忽亂鄉愁入故園

鶴慶驛會吳人馮廣文閩人林稅使
馬蹄踏徧陰崖雪。直向居庸塞外行。日落忽聞牛背
笛。川平始見鶴州城。秋風千里蓴絲滑。暑雨三山荔
子生。遷客相逢話鄉土。天涯何限未歸情。

長安留題

唐愚士

曉閣踈鍾午店雞。客途風物賸堪題。葡萄引蔓青緣
屋。苜蓿垂花紫滿畦。鴈塔雨痕迷鳥篆。龍池柳色送
鶯啼。前朝冠蓋多黄土。翁仲淒涼石馬嘶。

遊石湖蘭若

釋來復

荷花蕩漾湖水深。上有蘭若當高岑。客吟時見猿鳥

下僧定不聞鐘磬音。雨香秋林橘子熟。雲落空磴棠
梨陰。閒來掃石坐竹裏。靜與山人論素心。

寄贈洞庭葉隱君

一舸南歸鬢欲華。買山湖上卧烟霞。尊如北海應多
酒。園擬東陵亦種瓜。丹壑泉春雲碓藥。橘林風掃石
床花。傳家自與鄰翁異。見說藏書有五車。

揚州瓊花

張全一

瓊枝玉樹識僊家。未信人間有此花。清致不沾凡雨
露。高標猶帶古烟霞。歷年旣久何曾老。舉世無雙莫
謾誇。便欲載回天上去。擬從博望借靈槎。

寫懷

鄧羽

道人○不○作○槐○根○夢○一○片○虛○頑○太○古○心○無○雪○可○催○蒼○檜○
老○有○家○原○住○白○雲○深○山○頭○月○落○虎○長○嘯○海○面○風○生○龍○
自○吟○世○上○何○人○知○此○意○野○花○啼○鳥○却○知○音○

送徐千戶之甘州

胡虛白

春○寒○初○試○越○羅○袍○不○惜○千○金○買○寶○刀○馬○援○橐○中○無○蕙○
芳○張○騫○槎○上○有○萄○萄○崑○崙○西○去○黃○河○遠○函○谷○東○來○紫○
氣○高○何○事○相○逢○又○相○別○隴○雲○邊○月○夜○勞○勞○

別劉侍御按交趾

解縉

虬○髯○白○面○繡○衣○郎○驄○馬○南○巡○古○越○裳○城○郭○摠○開○新○郡○

縣○山○河○全○是○舊○封○疆○天○連○銅○柱○蠻○烟○黑○地○接○珠○崖○海○
氣○黃○莫○謂○炎○荒○冰○雪○少○須○令○六○月○見○飛○霜○

從遊西苑

楊士奇

廣○寒○宮○殿○屬○天○家○曉○從○宸○游○駐○翠○華○瓊○液○總○頒○僊○掌○
露○金○支○皆○插○御○筵○花○棹○穿○萍○藻○波○間○雪○旗○颭○芙○蓉○水○
上○霞○身○世○直○超○人○境○外○玉○盤○親○捧○棗○如○瓜○

九日過宿遷縣

掛○席○迢○遙○晚○未○休○行○程○迤○邐○望○邳○州○數○家○農○舍○通○籬○
落○幾○處○漁○舟○聚○湫○流○回○首○鄉○園○天○渺○渺○驚○心○時○序○水○
悠○悠○紫○萸○黃○菊○非○無○意○沙○鳥○汀○雲○謾○自○愁○

早秋

胡儼

大火西流暑已消。實沉東畔斗回杓。青山幾處遺蟬。蛻銀漢多時望鵲橋。清露濕衣天似洗。涼風吹樹夜如潮。昔年曾記揚州路。月照蘭舟聽玉簫。

京口覽古

姚廣孝

誰擣年來戰血乾。烟花猶自半彫殘。五州山近朝雲亂。萬歲樓空夜月寒。江水無潮通鐵甕。野田有路到金壇。蕭梁事業今何在。北固青青客倦看。

龍翔宮

琳宮虛爽接薇垣。玉樹陰森隔市喧。日轉松壇人影

寂。春回花殿鳥聲繁。僊乘風去開環室。龍帶雲歸鎖洞門。福地年來猶落莫。人間消息底須論。

寄虎丘蟾書記

聞道蟾公似贊公。一瓶一鉢寄山中。雲封蘿屋長疑雨。泉響松巖半是風。履破只緣行脚久。囊空非為作詩窮。遙思短簿祠前夜。共聽寒鐘出澗東。

送江仲隆

胡廣

十年清宦住京畿。白髮蕭蕭老布衣。鄉里交游前輩少。關河離別故人稀。官橋細柳藏春雨。水驛輕帆背夕暉。我有愁懷何處寫。秋來日望鴈南飛。

經故元花園

繁華百歲竟成塵。惆悵東風易捨神。幽鳥似言興廢事。閑花猶媚往來人。空山落日蕭蕭暮。野草寒烟寂寂春。惟有桑乾河上水。年年流恨下通津。

圍獵

楊崇

關塞霜清曉色明。鑿輿校獵出邊城。六龍扶輦旌旗合。萬騎連營鼓角鳴。遠火依微秋草薄。驚沙寂歷暮雲平。小臣躬覩三驅樂。願效高呼播頌聲。

和韻寄胡祭酒

江南歸老近何如。別墅幽偏勝舊居。濟世豈無經國術。

消閒惟有滿牀書。西山雨歇秋風後。南浦雲生夕照餘。二十年來同事者。退休應羨獨懸車。

題楊庶子雲山草堂

金幼孜

聞道幽居近翠微。好山多與白雲齊。柳塘日煖花爭發。門巷春深鳥自啼。酒醒每臨松下坐。詩成閑向竹間題。一從射策金門去。風雨年年夢建溪。

憶院中竹寄士奇楊學士

黃淮

一別詞垣數月餘。娟娟脩竹近何如。夢回還想林間醉。詩就誰從節下書。翠色凝烟春院寂。清陰籠月夜窓虛。料得同袍能愛護。平安莫遣信音疎。

江上秋懷

揚子東

水國風高木葉霜。滿舟山色入荒涼。小孤殘照收江左。大別寒烟鎖漢陽。新飯軟炊菰米白。濁醪香泛菊花黃。故鄉千里空回首。雲樹茫茫鬢髮蒼。

早春寄京師白虛室先生

劉績

帝城佳氣接烟霞。草色芊芊紫陌斜。霽雪未消雙鳳闕。春風先入五侯家。歌鍾暗度新豐樹。遊騎晴嬌上苑花。獨有揚雄才思逸。應傳麗句滿京華。

和毛鼎臣聞白西塘卧病之作

昔年遊宦去鄉間。此日還家勝謫居。垂老厭看爐內

藥。窮愁還著篋中書。青雲有路迢迢隔。白髮無情漸漸疎。漢代于今論封禪。長卿多病欲何如。

訪張三丰至祥符寺見留題

胡澹

交情久已念離群。獨向山中禮白雲。龍送雨來留客住。鹿嘶花至與僧分。疎星出竹昏時見。流水鳴渠靜夜聞。却憶故人知此隱。題詩誰似鮑參軍。

寄故鄉知己

習韶

杏壇花落雨闌珊。作客多年忘却還。芳草無情連楚塞。白雲深處望南山。天清劍逐龍光起。春老人隨燕子閒。他日一尊期共醉。東籬叢菊對權顏。

夏夜陳主簿過宿

王恭

君門已許解朝衣。此夜相期過竹扉。池上青山留客
醉。鄧中白雪和人稀。兩晴閑館花空落。月上層城鳥
倦飛。明日獨懷乘輿地。不堪愁思正依依。

吳城懷古

姑蘇城下刺蘭橈。却憶吳王古市朝。千隧路邊春寂
寂。館娃宮外草蕭蕭。千年往事空啼鳥。半夜疎鐘自
落潮。明發不堪回首處。暝烟秋雨過楓橋。

金臺夕照

鄒緝

高臺百尺倚都城。斜日蒼茫弄晚晴。千里江山廻望

迥。萬家樓閣入空明。黃金尚想招賢意。白髮難勝慨
古情。看盡翩翩歸鳥沒。古原秋草暮雲平。

館舍書事

瞿佑

過却春光獨掩門。澆愁謾有酒盈尊。孤燈聽雨心多
感。一劍橫秋氣尚存。射虎何年隨李廣。聞雞中夜舞
劉琨。平生家國縈懷抱。濕盡青衫摠淚痕。

過汴梁

歌舞樓臺事可誇。昔年曾此擅豪華。祇聞良嶽排蒼
昊。誰見神霄隔紫霞。廢苑草荒堪牧馬。長溝柳老不
藏鴉。陌頭商女無愁恨。能撥琵琶說趙家。

題和靖墓

詩○落○人○間○有○墓○存○誰○歌○楚○些○為○招○魂○愁○連○芳○草○春○無○
迹○吟○斷○梅○花○月○有○痕○華○表○柱○存○遼○鶴○返○少○微○光○霄○楚○
天○昏○生○芻○一○束○人○如○玉○想○像○高○風○醉○酒○尊○

挽山雲都督

李齡

當○年○匹○馬○翦○天○驕○南○靖○諸○蠻○翊○聖○朝○霸○上○共○傳○周○
太○尉○軍○中○惟○數○霍○嫖○姚○轅○門○角○斷○秋○淒○切○玉○帳○香○銷○
夜○寂○寥○遙○望○龍○江○遺○廟○下○滿○庭○落○葉○雨○蕭○蕭○

明音類選卷之十



